

lichen von vnsern wegen ir wellet ansehen solh merklich geprechen, die dem lannd anligund sind, als ir das vor wol vernomen habt damit das land ir vnd wir all daraus nicht in verderblichen scheden komen nach dem vnd der geltschuld vil ist vnd die teg der bezzalung kurz sein.)

* *Im andern Exemplare heisst es:* „Sunder geben wir „ew die anwelt zuuerstehen, daz die von Behem yecz auf „sant Mertten tag schierist kunftigen ainen tag zu Prag mainent zu halten vnd an vns begert habent, daz ye von dem „lannd hie darczu geschikht werde, wan da baidere land merklich „notdurft furgenomen werden. Desgeleichts haben wir nach begern der lantleut von Merhern vns auch ains tags zu Znoym „veruangen mit in zu halten auf sant Kathreintag schierist „kunftigen, auch von baidere lannd Österreich vnd Merhern nucz „vnd frumen wegen, nach lautt der beredzedeln die ir hörn „werdet, vnd haben doch den tag nicht wol abgesehen mü- „gen, nach dem vnd das die lantleut von Merhern nu ettwie- „oft an uns anwelt gesucht und ir die lantschaft das bey dem „nächsten tag der zu Wienn ist gehalten worden geraten habet „teg mit in zu halten vnd darczu zu senden.“

„Nu mugt ir wol versteen, solten die teg also nicht besucht werden vnd besunder der ain zu Merhern den wir nu „angesagt haben, als ir das vernomen habet, daz dem land „hie kunftlich merklicher schaden daraus ergeen möchtt, wan „si dester pas denn in das land greyffen und werwart gehaben „möchtten, si hieten sich ye vnd ye zu ain guten erpoten vnd „teg gewilligt zu halten, damit die lannd in frid vnd gemach „gesezt wurden, das wir aber vnser tails abgesehen hieten. „Ob nu füglich wer, solh teg zu besuhen etc. etc.

** „Item daz auch solich obgemelt geltschuld verphendtung „und verschreibung sich also erfinden als vor ist gemeldt, so „sein wir willig, den die ir aus den vier parteyen aus ew geben werdet all solich verschreibung geltschuld vnd handlung „zu erkennen zu geben und sie der aigentlich zu vnderweisen, „die dann das ir yeder an seinen tail der parteyen bringen und „tragen mag unserer darauf zu gedenken.“

*** Vermerkt die stukk an die die aus der lantschaft gegeben werden zu bringen.